

Nuuk 15. maj 2024

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

Apeqqut:

- 1) Sooruna Danmark'imi atorfillit (tjenestemænd) soraarnerussutisiaat qaffaaffigineqartillugit Nunatsinni tamanna atuunneq ajortoq?**
- 2) Tamakku aaqqiiffiginiarlugit Naalakkersuisut iliuseqassamaarpat?**

(Inatsisartunut ilaasortaq Jens Napaattooq Naleraq)

Tungavilersuut:

Nunatsinni atorfillit (tjenestemænd) soraanngornikullu sulii Danmark-imiik oqartussaaffigineqarput, nunatsinnilu pisortat (Namminersorlutik Oqartussat kommune'llu) sullissisuuginnartuullutik qulakkeerinniinnartartussatut atorfilinnut maleruagassat (tjenestemandsoven) naapertorlugit atugassaqartitsinikkut. Danmark'imi atorfillit soraarnerussutaat ukiorpassuit kingulliit ulloq manna tikillugu ukiumut marloriarlutik akinik naleqqussaanertigut qaffanneqartarput 1. april & 1. oktober. Nunatsinni akerlianik taamatut pisoqartanngilaq. Imaappoq nioqutissat, ineqarnermut allanullu aningaasartuutit qaffakkiartuinnarnerannut soraarnerussutisiat malinnaatinneqarnikuunngillat.

Assersuutitut Danmark'imi 1. april 2024 5,92%mik qaffanneqarput.¹

Eqqeqqissumik paaserusuppara Naalakkersuisut aaqqiiniarlutik iliuseqassamaarnerisut.

Apeqqut ullut qulit qaangiutinnginerani akineqassasoq kissaatigaara.

¹ <https://fagligsenior.dk/2024/04/22/ok24-nu-stiger-tjenestemandspensionen/>